

Aloha kahi wai a'o Hali'ilua la
Lana malie
'O ke one kaulana o Keoua la
Me ka 'ihi kapu

Kapukapu na maka a'o ka 'opua la
Ke 'ike aku
Ka 'anapa i ka luna o Ka'awaloa la
Maoli pua

He pua nani 'oe a he mea laha 'ole la
Na ka makua
A he lei 'a'i, na ke kupuna la
He mea milimili

Ki'ina ko lei lehua i 'Ola'a la
Lei 'ia mai
I 'ohu no ka wahine e walea ai la
Me 'ano'i pua

Mahalo aku wau la i ka nani la
Mau mea ho'ohihi
Ka'onohiokala malamalama la
Kau kehakeha

'O ke ko a ka Hau anu o Ma'ihi la
'Au i ke kai
Kaomi i ka 'ili o ke kamahela la
Me ka 'eha koni

Ha'ina ko lei lehua i 'Ola'a la
Lei 'ia mai
Ka'onohiokala, malamalama la
Kau kehakeha